



# Silav li koçka spî

Elî Bendî

Ali-bandii@yahoo.com

Eger mirov li dîrokê binêre, wê bibîne herdem dijminên kurd û Kurdistanê siyaseta kurdqiranê li Kurdistanê weku bername peyrew kiriye. Ev erd û axa bi pît û bereket dagîrkeran li ser xwe dabeşikirî ye, bi çavekê dujmankarî berê xudaye xelkê wê bi taybet devera barzan, cihê serihildana şoreşên kurdî, çinku ev dever e her li destpêka sedê bîstê ta niho rolekê serekî di belavkirina hişyariya neteweyî de hebûye, her il ser demê şêx Ebidîselam Barzanî berevanî ji maf û xwastên gelê kurd kirî ye û li çaxê Usmanîyan şîyaye devera Barzan ji zulim û stema dijman bîne derê û ji dagîrkeran biparêze û dijî wan bikeve şeran, lê cihê daxê bû li sala (1914) usmanîyan bêyî dadgeh li parêzgeha mûsil şêx Ebidîselam Barzanî li sêdarê da, ev hemî berpîrsatîya mezin û giran bu kurê xwyê mezin şêx Ehmed Barzanî bicih hêlan û ev qaremane jî dijî dagîrkerên birîtaniyê kefte şera taybet li şerê cihanyê êkê ku çend caran dagîrkerên birîtaniyê hewldaye devera Barzan dagîrker bu jêrdeshelata xu, şkestin bidest veyna ta hikumeta Îraqê bi fend û fêlên xwe û bi harîkariya dagîrkerên birîtaniyê û piştefaniya firukên şeriker çend caran hêrişên esmanî birine ser devera Barzan, melbendê şoreş û şoregêran û çendî gundên vê deverê topbarankirin heta dumahyê biharîkariya leşkerê turkiya li sala (1935) şîyan şêx Ehmed Barzanî bêxîstîrî bigirin û teslîmî Îraqê biken û hikumeta Îraqê jî bu jêriya Îraqê dîr êxist, rêberatiya milletê kurd dikefte destê Mistefa Barzanî ku berî hîngê nav û dengê wî belav bibûn, bibu cihê tirs dilnerihetîya dijmanan taybet piştî sinorên çend welatan derbaz bûye Yeketîya soviyetî yaberî û heta li sala 1958 zivirî ye kur distanê, êdî hikumeta êraqê gehişte wê baw-

eriyê ku neşet kêşa kurdî li bakurê Îraqê çareser biket û agirê şoreşê li vê deverê bivemirîne neçarbû penabire danûistandina di gel Mistefa Barzanî, çinku dizanîn Barzan pêşenga serihildanên milletê kurd e û ew kes yê perwerdekirin, ewên jîyana xwe hemû bi xebat û berxwedanê da borandî.

Ji ber van egeran her desthelatdareka li Îraqê viyaye siyaseta kurd qiranê peyrewket û taybet rijîma Bas piştî li sala 1968 bidirista hî deshelat wergirtî kefte giyanê xelkê Kurdistanê bi agir û asnî û kuştina bikum û girtin û sêdaredanê û bû vekirina tula şikestên xwe, herdem kurd taybet Barzanî bidujmînê Îraqê qelem didan û digutin yê harîkariya dijminên me dikin, li sala 1983 di çar çûvê şerê Îraq û îran li devera Hacî Umeran leşkerê Îraqê toşî şikestineka mezin bû, heta Sedam Husên xwe qesta berukên şerîkir û serikirdayetiya partî gunehbarkir ku pêşmergên partî û Barzanî bûne egerê şikestina wan, ew bû piştî ji berukên şerî vegeyîyay demildest ferman da, her dû biramakên xwe (wigban û Barzan) ku kesekê ji Barzanîyan nehêlîte sax, ew bu li spêdehiya ruja 31/7/1983 bi piştewaniya hêzên muxbiratê û ziripoşa bi ser ordigayên (behrike-Quştebe-diyana) dagirtin û her nêrekê jiyê wî ji (12-80) salî girtin û bê serûşûn kirin weku tolvêkirina şkestinên xwe, heta Sedam bi xwe di peyveka xwe da amaje daye ku her kesê harîkariya kurên Barzanî kiribît dê eve sizayê wan bît.

Ji vêre piştî borîna (22) salan li ser enfalkirina Barzanîyan dirê û resmekê ji hejîda roja 17/10/2005 cenazê pîrozê (503) enfalkiriyên Barzanîyan vegeandin bo hembêza Kurdistanê, bivegerandina hesitî û kiluxên sera li bîyayanên hişik bu axa



pîroza Barzan zozanên fereşînê bo cihê dilxuşiya kes û karên wan ku (22) sal bûn çaverê yê vegerandina wan, aşikirabûna gorên Barzaniyan bi cil û bergên kurdî û bi cemedaniya sor careka dî birînên me vekolan û dîmenên enfal û kîmyabaran û dirindetiye rijîma gorbegor îname pêş çavên me.

Enfalkirina (8) hizar Barzaniyan ne tawana êkî bû dijî gelê kurd û Barzaniyan, belku hikumetên Îraqê êk li dîf êk çend caran deverabarzan bi agirê asnî hêriş birîne ser û gundên deverê di gel erdî rastqe kirîne û xelkê wê rewany zîndana û biyabanên hişik û ordîgayên zoremilê kiribûn jêrdeshelata xwe.

Û bi dirindetirîn reftar di gel xêzanên wan yê bêsemyan kirîne, enfalkirina Barzaniyan li jêr berda bêdengiya welatên zilhêz, bo dirêjepêdan bi kiryarên dirindane derheq milletê kurd û encamdan enfal û kîmyabarana û peyrewkirina siyaseta cînusaydyê.

Evroke jî em hemû dibînîn rojane ka çewa tolên şehîdên me yê ji rijêmê ve dibin, ew dikitorê duhî û pêrenfal û kîmyabaran encam day û çî hizir bo civakê nêvdewletî nekirîn bi rezîlî kefite di zîndana da û rojane yê dimirît, lê xwîna şehîd û enfalkiryên me bi firo neçû, sereray ku rijêm hatiye roxandin û gorên bi komel berdewam dihête dîtîn, kes û karên wan van dîmena bi çavên xwe dibînin, pitir birînên wan dişaryên, gelek jî tûşî nexweşyên derûnî bûne, 22 sale di nav derd û kolan da dinal in, zarok bê dîtina babê û dlovanî hatiye mezinkirin, hestîkên babê bo dizivirin ku 22 sal bûn çaverêy zivirîna wî ji karwanê bêhîvyê.

Ev gorên bi komel şahîd û giroven e bo dadgehkirina Sedam û Beisyên wî, dîsan girovê wê çendê ne ku îrada milletê kurd ji enfal û kîmyabarana bi hêztir e, roj bo roj rêzên gelê me pitir dibine êk û bi êk helwîst bersiva dijmanan diden, bila dijmin û neyarên me bizanin ku runahîya cenazê enfalkirîyan şawqê didete Kurdistanê û li ber şefîq û runahîya wan nemiran milletêkurd gehîştî ye asûyekê geş û ya vîyay yabdest ve dihêt, ev roke cil û bergên kurdî û peyva şîrîna kurdî li kuçka spî runahîya day û cîhan hişyar kir.

Ev welatên li serdemê şerê sar çek û

kîmya bo kurdqiranê daye dijmê me, ev ro bi serşûriyê pêşiwazîya serokê Kurdistanê dikin û danê bi tawanên xwe diken û daxwaza lêburînê ji milletê kurd diken, lê mixabin ew welatên ereb û îslamî yê harîkarî û piştevaniya rijîmê kirin bo qelandina nivşê kurd û ev sîyaseta şofînî bi tiştêkê şerî li qelem day her evroke jî sereray rûxana rijîmê ew welatên şufînî danê bi hebûna netewa kurd nakin, heryê me kurdan bi erebistanê ve girê didin û van kiryarên tîrorî û tund û tîjîyê li Îraqê rojane dihêne encamdan bêdengî û bêhelwîst in.

Dîtina van gorên enfalkirîyan li bîyabanên hişkên Îraqê bo van welatên ereban ewên herdem dibê helwîst taybet kumkara erebî şermezariyeka mezin e ew jî yê digehine wê baweriyê ku milletê kurd bi xebat û qurbanyên xwe gehîştî ye astên bilind û deshelata Îraqê kefitî ye destê kurdan û senga xwe ya siyasî heye û xudan birîyar e, doza kurdxatira xwe ji çiyakên Kurdistanê xwastiye û silav kiriyê koçka spî û pal vedaye, serokê Kurdistanê ji layê mezintirîn serokê welatê cîhanê pêşiwazîya serokî lê dihête kirin weku serokê millet, ev welatên zilhêz û biryarder gehîştîne wê baweriyê ku wan bi dirêjahîya dîroka dagîrkerda xedir li milletê kurd kiriyê.

Ev roke jî her ew welat yê peymanî di gel kurdan girê diden û çînkû dizanin kurd xwdan xebat û dîroke kapaqîje, xudan rêyazeka nemire, herdem dijî tîrorê rawesitîyaye, heta ev welatên herêmê jî hêdî hêdî jinwî yê xutê digehînin ku duza kurd gehîştî ye çî ast yê dibînin welatek binavê Kurdistan nêzîke dê cihê xu li ser nexşê cîhanê ket, jinwî yê navê kurdan dînin û dibêjin kêşeka li dev me hey binavê kêşakurdî û divêt çareserbkeyin.

Yê seredanên serukên kurd dibînin li seranserî cîhanê û çewa dihêne daxwazkirin jilayê serukên cîhanê ve û bi cil û bergên pêşmergatyê dihête pêşiwazîkirin û duza kurdî derbaz bu astên cîhanî û welatên mezin mîna emirîka û birîtanîya kurd kirîne hevpeymanên xwe û giringiyeka mezin daye ser.